

GOBIERNO DE NAVARRA

PRESIDENCIA JUSTICIA E INTERIOR

ECONOMIA Y HACIENDA

RELACIONES INSTITUCIONALES Y
PORTAVOZ DEL GOBIERNO

ADMINISTRACION LOCAL

EDUCACION

SALUD

DESARROLLO RURAL Y MEDIO
AMBIENTEASUNTOS SOCIALES FAMILIA
JUVENTUD Y DEPORTE

CULTURA Y TURISMO

OBRAS PUBLICAS TRANSPORTES Y
COMUNICACIONESVIVIENDA Y ORDENACION DEL
TERRITORIO

INNOVACION EMPRESA Y EMPLEO

SEGURIDAD Y EMERGENCIAS

Basoko suteak prebenitzeko joan den neguko kanpainaren amaieran, erretako azalera %20 murriztu da 2010. urtearekin alderatuta

2011ko lehen hiruhilekoan Nafarroan baso-lurzoruaren 197,59 hektarea erre dira 274 suteetan

Viernes, 06 de mayo de 2011

Basoko suteak prebenitzeko 2011ko neguko kanpainan (urteko lehen hiruhilekoa) baso- eta nekazaritza-lurzoruen 197,59 hektarea erre dira Nafarroan izandako 274 suteetan. Erretako azalera %20 murriztu da 2010. urtearekin alderatuta (243,59 hektarea), edizio honetan 45 sute gehiago egon diren arren (2010ean 229 egon ziren).



NLAKo suhiltzaileak sutea itzaltzen.

Urteko lehen hiruhilekoan erretako 197,59 hektarea horietatik 20,11 hektareatan zuhaitzak zeuden (aurreko urteko aldi berean 15,65 izan ziren); 151,85 hektareatan ez zegoen zuhaitzik (203,07 2010ean) eta erretako nekazaritza-azalera 25,63 hektarekoa izan da, iazko antzera (24,87 hektarea).

Hilabeteen arabera, suteen kopururik handiena otsailean egon zen, 123, eta 94,93 hektarea erre ziren. Urtarrilean 72 sute piztu eta 27,53 hektarea erre ziren, eta martxoan 79 sute eta 74,13 hektarea izan ziren.

Martxoan erre da zuhaitzi gehien (14,60 hektarea). Otsailean 5,5 izan ziren, eta urtarrilean oso gutxi (0,01 hektarea). Aitzitik, otsailean nekazaritza-lurzoruaren 13,78 hektarea erre ziren, urtarrilean 7,56 hektarea eta otsailean 4,29. Zuhaitzik gabeko baso-lurzoruari dagokionez, urtarrilean 19,96 hektarea erre ziren, otsailean 75,65 eta martxoan 56,24.

Nafarroako Larrialdi Agentziaren

[2011ko neguko baso-kanpainaren](#) balantzearen arabera, Nabaskozeko suhiltzaileek 2011ko lehen hiru hilabeteetan sute batean esku hartu zuten (0,001 hektarea erreta), Burgetekoek bitan (zazpi hektarea), Iruñekoak (Trinitarrak) lautan (5,01 hektarea); eta Zangozakoek seitan (21,51

hektarea).

Lizarrako suhiltzaileek 11 sutetan esku hartu dute (2,84 hektarea); Altsasukoek 16 sutetan (14,65); Cordovillakoek 18 sutetan (2,46 hektarea); Lodosakoek 24 sutetan (7,09 hektarea); Oronozekoek 24 sutetan (62,95 hektarea); Azkoiengoek 30 sutetan (14,93 hektarea); Tafallakoek 32 sutetan (10,88); eta Tuterako parkekoek 84 sute itzali dituzte, 48,23 hektarea erre ondoren. Horrez gain, Nafarroako Larrialdi Agentziako suhiltzaileen esku-hartzerik izan ez duten 22 sute zenbatu dira.